

Այս իսկ տեսակէտով մօտենալով ներկայ պատերազմին՝ իւրաքանչիւր Հայ քաղաքացի պիտի ազատագրուի այն մտայնութիւնից, թէ բանակն է միայն, որ պիտի կուռի: Այս պատերազմը ժողովրդական է, հետեւապէս նրա մէջ մասնակցութիւն պիտի ունենան ամենքը, առանց նկատի առնելու թէ ուղղափառապաշտութեան են նրանք թէ թիկունքում:

Պատերազմի ժամանակ ժողովուրդները, ներկայ դէպքում նաև Հայ ժողովուրդը, սովոր են յոյս դնելու ոչ միայն իրենց ուժերի, այլ և դրսեցու, օտարի վրա: Գիտէք, թէ Հայ ժողովուրդը ինչքան օգնութեան կոչեր է ուղղել օտարին և յուսացել, թէ կարող են դրանք որևէ արդիւնք տալ, թէպէտ նրա կոչերը մնացել են յաճախ անարձագանգ: Այժմ գոնէ մենք պիտի հրաժարենք այդ սովորութիւնից, որովհետև քննելով արտաքին կացութիւնը՝ գալիս ենք այն եզրակացութեան, որ դրսից օգնութիւն Հասնել չի կարող: Փաստը հրապարակի վրա է. երկու ամիս է արդէն, որ մենք կուռ ենք մղում թշնամու դէմ, բայց ոչ մի տեղից օգնութեան կամ միջամտութեան ձայն չստեղծուեց:

Մենք պէտք է հրաժարենք ուրիշի դռները բախելուց, կրկնում եմ այդ, որովհետև եթէ անգամ ուրիշը ցանկանայ միջամտել, օգնել, ապա պարզ է, որ նրա օգնութիւնը ու միջամտութիւնը անշահասէր չէ, հետեւաբար, աւելի ծանր կացութեան պատճառ կարող է դառնալ:

Մեզ չպէտք է յոյս ներշնչէ նաև այն հանգամանքը, որ կարող է կուռը ժամանակաւորապէս դադարել. շատ անգամ է պատահում այդ և շատ անգամ էլ ողբալի անակնկալներով յղի: Ահա մեր առջև են տաճիկների առաջարկած հաշտութեան պայմանները. դռքա ասում են, թէ Հայաստանը պիտի սեղմի, փոքրանայ, բայց թէ ո՞ր տարածութիւնն է, որի վրա մենք պիտի կարողանանք կանգ առնել հանդիստ, ցոյց չեն տալիս: Նրանք կարող են մեր բոլոր երկրամասերը վիճելի դարձնել: Դէպի ծով ելք են խոստանում, բայց ո՞ւր երկրամասով — Տաճկաստանի, որ կարող է ամէն բայէ փակել իր դռները: Նրանք պահանջում են, որ մենք Տաճկաստանի ապահովութեան համար երաշխիքներ տանք — իշնալէ՞ս. ի հարկէ, զինաթափ լինելով, այլապէս Տաճկաստանն իրեն կը յայտարարի անապահով վիճակի մէջ:

Ժողովրդի ներկայացուցիչները, որ նստած են այս բարձր հիմնարկութեան մէջ, չեն կարող հաւատալ տաճիկների հաշտութեան առաջարկին. նրանք պէտք է բարձրաձայն յայտարարեն, որ այդ շողշողուն խօսքերի տակ թաղնաւած են դաժան մտքեր, և նրանց ձայնը լսելի կը լինի ժողովրդին այս պատերից դուրս:

Անգոր չեն մեր սեփական ուժերը. բարեբախտաբար, մեծ չէ նաև մեր դէմ եկող հակառակորդի զօրութիւնը. փոքր ինչ զգաստութիւն, փոքր ինչ ուժերի լարում և ահա կարող է բախտը յօգուտ մեզ տնօրինել:

Ժողովրդական այն հոսանքը, որ ձգտում է խաղաղութեան, այժմէն իսկ պէտք է գիտակցէ, որ ամէն խաղաղութիւն ձեռք է բերում ուժով. խաղաղութիւնը պէտք է լինի պատուարեր և պէտք է ամուր պահէ պետութեան կենսունակութեան հիմքերը: Նա պէտք է պատրաստ լինի խղելու ամէն բանակցութիւն, որ սկսւում է կամ սկսւելու է իր իսկ ոչնչացման գնով: Տաճիկները ուզում են մեզ գրկել հողից՝ մեզ ուզում են զինաթափ անել և ապա հաշտութեան բանակցութիւններ սկսել. ո՞ր ժողովուրդն է, կամ ո՞ր հոսանքն է, որ սեփական ձեռքով իր գերեզմանը փորելու համաձայնութիւն կը տայ:

Ոչ ոք դէմ չէ հաշտութեան և խաղաղութեան, բայց, կրկնում եմ, ամենքի նպատակը պիտի լինի ձեռք բերել պատուար հաշտութիւն և նպատուար խաղաղութիւն: Ծիշտ է, մենք կորցրել ենք մեր պետութեան կարե-